



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTA 0022184 22
Sarajevo, 13.03.2023. godine

Na temelju člana 35. stav 2. tačka e), te člana 216. stav 3. Zakona o kaznenom postupku Bosne i Hercegovine, donosim

N A R E D B U
O NEPROVOĐENJU ISTRAGE

U vezi više kaznenih prijava, koje je Tužiteljstvo Bosne i Hercegovine zaprimilo putem e-maila sa e-mail adrese: [REDACTED], dana 22.04.2022. godine, zbog negiranja genocida u komentarima na društvenoj mreži [REDACTED] od strane lica [REDACTED] i eventualnog počinjenja kaznenog djela Izazivanje nacionalne, rasne i vjerske mržnje, razdora i netrpeljivosti iz člana 145a. stav 3. Kaznenog zakona Bosne i Hercegovine, nakon izvršenog uvida u spise predmeta, a u smislu odredbe člana 216. stav 3. Zakona o kaznenom postupku Bosne i Hercegovine, donesena je Naredba o neprovođenju istrage iz razloga što prijavljeno djelo nije kazneno djelo.

O B R A Z L O Ž E N J E

Tužiteljstvo Bosne i Hercegovine zaprimilo je dana 22.04.2022. godine, putem e-maila sa e-mail adrese: [REDACTED], više kaznenih prijava podnesenih protiv lica [REDACTED], sa prilogom screenshot komentara na društvenoj mreži [REDACTED] u kojima je prijavljeni [REDACTED], po tvrdnjama podnosioca prijave negirao genocid, te na taj način počinilo kazneno djelo Izazivanje nacionalne, rasne i vjerske mržnje, razdora i netrpeljivosti iz člana 145a. stav 3. Kaznenog zakona Bosne i Hercegovine.

Analizom spisa predmeta, ne proizilazi da je prijavljeno lice počinilo kazneno djelo Izazivanje nacionalne, rasne i vjerske mržnje, razdora i netrpeljivosti iz člana 145a. stav 3. Kaznenog zakona Bosne i Hercegovine, obzirom da komentari na društvenoj mreži [REDACTED] sadržaja: „[REDACTED], niti sam nešto brisao niti se bojim tebe i slične gamadi. Kažem da nije bilo genocida u Srebrenici. A da me odradiš ne može, oženjen

sam, a i ružna si“, „nije bilo genocida u Srebrenici!“ ne potiču na nasilje ili mržnju usmjerenu protiv grupe lica ili člana grupe određene s obzirom na rasu, boju kože, vjeroispovijest, porijeklo ili nacionalnu ili etničku pripadnost, te je stoga, u smislu odredbe člana 216. stav 3. Zakona o kaznenom postupku Bosne i Hercegovine, donesena Naredba o neprovođenju istrage.

**TUŽITELJSTVO/TUŽILAŠTVO BiH
TUŽITELJ**